



ლანჩხუთის მუნიციპალიტეტის საკრებულოს რიგგარეშე სხდომის

ოქმი N7

ქ. ლანჩხუთი

25. 06. 2020 წელი

საკრებულოს სხდომას ესწრებოდნენ: ლანჩხუთის მუნიციპალიტეტის საკრებულოს თავმჯდომარე ბესიკ ტაბიძე, მუნიციპალიტეტის საკრებულოს თავმჯდომარის მოადგილე ვლადიმერ ნანაძე, საკრებულოს იურიდიულ საკითხთა და ეთიკის კომისიის თავმჯდომარე ვერიკო კვიციანი, მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის თავმჯდომარე ემზარ თევდორაძე, საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარე გიორგი ჩახვაძე, საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი გვარჯალაძე, საკრებულოს საფინანსო-საბიუჯეტო კომისიის თავმჯდომარე ალექსანდრე მახათაძე, საკრებულოს ფრაქცია „ქართული ოცნება-მრეწველების“ თავმჯდომარე სპარტაკ კვაჭაძე, საკრებულოს ფრაქცია „ქართული ოცნება-დემოკრატიული საქართველოს“ თავმჯდომარე ბესიკ კუპრაძე, საკრებულოს ფრაქცია „ქართული ოცნება-კონსერვატორების“ თავმჯდომარე გოგი მორჩილაძე, საკრებულოს ფრაქცია „ქართული ოცნება-მწვანეების“ თავმჯდომარე ზაზა წულაძე, საკრებულოს ფრაქცია „ერთიანი ნაციონალური მოძრაობის“ თავმჯდომარის მოვალეობის შემსრულებელი კახაბერ ასკურავა, საკრებულოს წევრები (სარეგისტრაციო ფურცელი თან ერთვის), საკრებულოს აპარატის პირველი რანგის პირველადი სტრუქტურული ერთეულის ხელმძღვანელი (აპარატის უფროსი) ნინო ძიმიგური, ლანჩხუთის მუნიციპალიტეტის საკრებულოს თავმჯდომარის თანაშემწე გიორგი ხელაძე, საკრებულოს აპარატის მეორე რანგის მეორადი სტრუქტურული ერთეულის ხელმძღვანელი ნანა ბუცკალავა, საკრებულოს აპარატის მესამე რანგის პირველი კატეგორიის უფროსი სპეციალისტი მარიამ კუპრაძე, საკრებულოს აპარატის მესამე რანგის პირველი კატეგორიის უფროსი სპეციალისტის მოვალეობის შემსრულებელი იურიდიულ საკითხებში რუსუდან გვარჯალაძე, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში მაია კუპატაძე.

მოწვეული სტუმრები: მუნიციპალიტეტის მერი ალექსანდრე სარიშვილი, მერიის საფინანსო-საბიუჯეტო სამსახურის უფროსი როლანდ ლაშხია, მერიის ეკონომიკისა და ქონების მართვის სამსახურის, ეკონომიკისა და ტურიზმის განყოფილების უფროსი მაია აფხაზავა, მერიის სივრცითი მოწყობისა და ინფრასტრუქტურის სამსახურის უფროსი ლევან ჩხაიძე, მედიის წარმომადგენლები.

საკრებულოს თავმჯდომარემ **ბესიკ ტაბიძემ** სხდომას გააცნო დღის წესრიგი:

1. ლანჩხუთის მუნიციპალიტეტში 2020 წელს საპილოტე რეგიონების ინტეგრირებული განვითარების პროგრამის ფარგლებში განსახორციელებელი პროექტის მოწონების შესახებ“ ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი მაია აფხაზავა/

2. ლანჩხუთის მუნიციპალიტეტის 2020 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 23 დეკემბრის N19 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ” ლანჩხუთის მუნიციპალიტეტის საკრებულოს განკარგულების დამტკიცების თაობაზე.

/მომხსენებელი როლანდ ლაშხია/

დღის წესრიგის პირველი საკითხი: ლანჩხუთის მუნიციპალიტეტში 2020 წელს საპილოტე რეგიონების ინტეგრირებული განვითარების პროგრამის ფარგლებში განსახორციელებელი პროექტის მოწონების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის ეკონომიკისა და ქონების მართვის სამსახურის, ეკონომიკისა და ტურიზმის განყოფილების უფროსმა მაია აფხაზავამ. მან განმარტა, რომ 2020 წელს საპილოტე რეგიონების(გურია, სამეგრელო, კახეთი, რაჭა-ლეჩხუმი) ინტეგრირებული განვითარების ფარგლებში იგეგმება ბიზნესის განვითარების ხელშეწყობა, რისთვისაც საჭიროა ინფრასტრუქტურის მოწესრიგება. ამ ეტაპზე ლანჩხუთის მუნიციპალიტეტში, ჩიბათის ადმინისტრაციული ერთეულიდან კოლხეთის ეროვნული პარკის დაცულ ტერიტორიამდე, მდინარე ფიჩორის ხეობის დასათვალისწინებლად მისვლა შესაძლებელია მხოლოდ პალიასტომის ტბის გავლით, რაც შეიცავს დიდ რისკებს უსაფრთხოების თვალსაზრისით და დამოკიდებულია ამინდზე. ამ მიზნით, აღნიშნულ მონაკვეთზე საჭიროა სახმელეთო მისასვლელი გზის სარეაბილიტაციო სამუშაოების ჩატარება, რომლის სავარაუდო ღირებულება შეადგენს 600000 ლარს.

საკრებულოს წევრმა **იოსებ ჩხაიძემ** აღნიშნა, რომ ზემოხსენებული პროექტის ტექნიკურ დოკუმენტაციაზე ტენდერი გამოცხადებულია.

მერიის ეკონომიკისა და ქონების მართვის სამსახურის, ეკონომიკისა და ტურიზმის განყოფილების უფროსმა **მაია აფხაზავამ** განმარტა, რომ საქართველოს საპილოტე რეგიონების განვითარების მიზნით ლანჩხუთის მუნიციპალიტეტში განსახორციელებელი ღონისძიებების შესახებ პროექტის ტექნიკური დოკუმენტაცია მომზადებულია საგრანტო კონკურსის ფარგლებში, პროექტმა გაიარა ექსპერტიზა და გამოცხადებულია ტენდერი 19-დან 26 ივნისის ჩათვლით პერიოდში, რომელიც გულისხმობს გზის დაგრიდებებს, მოხრეშვას და დატკეპნას. მისი თქმით, პროექტის სრულყოფისათვის, საჭიროა არსებულ დოკუმენტაციას დაერთოს პროექტის მოწონების დოკუმენტაცია.

საკრებულოს წევრი **ელისო ჭიჭინაძე** დაინტერესდა, მდინარე ფიჩორის ხეობის დასათვალიერებლად არის თუ არა უმოკლესი გზა ჩიბათის ადმინისტრაციული ერთეულიდან კოლხეთის ეროვნული პარკის დაცულ ტერიტორიამდე. მან იმედი გამოთქვა, რომ მოხდება აღნიშნული გზის მონაკვეთის ელექტროფიცირება, რაც დადებითად აისახება იმ ფერმერების საქმიანობის გაუმჯობესებაზე, რომელთა ნაკვეთებიც განლაგებულია სოფელ ლესაში ამ გზის მიმდებარედ.

ლანჩხუთის მუნიციპალიტეტის მერმა **ალექსანდრე სარიშვილმა** განმარტა, რომ მარშრუტი, ლანჩხუთის მუნიციპალიტეტიდან კოლხეთის ეროვნული პარკის დაცულ ტერიტორიამდე, მდინარე ფიჩორის ხეობის დასათვალიერებლად ყველა წესის დაცვით დაგეგმა დაცული ტერიტორიების სააგენტომ.

საკრებულოს წევრების მიერ განკარგულების პროექტთან დაკავშირებით სხვა შენიშვნები და წინადადებები არ გამოთქმულა.

საკრებულოს თავმჯდომარე ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა საკრებულოს 26 წევრი.

მომხრე საკრებულოს 26 წევრი, წინააღმდეგი არცერთი.

მიღებულ იქნა განკარგულება N29 (25.06.2020)

დღის წესრიგის მეორე საკითხი: ლანჩხუთის მუნიციპალიტეტის 2020 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 23 დეკემბრის N19 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების მისაღებად ადმინისტრაციული წარმოების დაწყების შესახებ” ლანჩხუთის მუნიციპალიტეტის საკრებულოს განკარგულების პროექტი სხდომას გააცნო მერიის საფინანსო-საბიუჯეტო სამსახურის უფროსმა როლანდ ლაშხიამ. მან აღნიშნა, რომ საქართველოს მთავრობის მიმდინარე წლის 19 მარტის N574 განკარგულებით მუნიციპალიტეტს მიეცა უფლება საქართველოს მთავრობის 2018 წლის 18 იანვრის N136 განკარგულების საფუძველზე გამოყოფილი თანხიდან დარჩენილი (ეკონომია) 61803 ლარი და საქართველოს მთავრობის 2018 წლის 31 დეკემბრის N2577 განკარგულების საფუძველზე გამოყოფილი თანხიდან დარჩენილი (ეკონომია) 37131 ლარი, ჯამში 98934 ლარიდან 76629 ლარი მიიმართოს ლანჩხუთის მუნიციპალიტეტის ღრმადელე-ორმეთიწყალწმინდის გზის სარეაბილიტაციო სამუშაოების საპროექტო-სახარჯთაღრიცხვო დოკუმენტაციის შესაძენად, ხოლო 22305 ლარი ლანჩხუთის მუნიციპალიტეტში სოფელ გვიმბალაურში საფეხბურთო აკადემიის შენობის პირველ სართულზე იატაკის მოწყობის სამუშაოების ჩასატარებლად. მიმდინარე წელს COVID 19 პანდემიამ მნიშვნელოვანი გავლენა მოახდინა საქართველოს

ეკონომიკურ განვითარებაზე. შესაბამისად მნიშვნელოვნად შემცირდა საქართველოს ეკონომიკური ზრდის (მ.შ.პ. რეალური ზრდის განახლებული პროგნოზი 4%) და საგადასახადო შემოსავლის პროგნოზი. ზემოთ აღნიშნულის და „საქართველოს 2020 წლის სახელმწიფო ბიუჯეტის შესახებ“ საქართველოს კანონით განსაზღვრული მუნიციპალიტეტების კუთვნილი დამატებითი ღირებულების გადასახადის პროცენტული განაწილების გათვალისწინებით, 2020 წელს ლანჩხუთის მუნიციპალიტეტს საგადასახადო შემოსავლების საორიენტაციო მაჩვენებელი შემცირდა 1113.9 ათასი ლარით და განახლებული მაჩვენებელი დარჩა 7794.6 ათასი ლარი, მ.შ კუთვნილი დ.დ.გ-ს განახლებული საორიენტაციო საპროგნოზო მაჩვენებელი შეადგენს 6494.6 ათასი ლარს, არაფინანსური აქტივების კლებიდან შემოსავალი უნდა შემცირდეს 260.0 ათასი ლარით, სულ მუნიციპალიტეტის შემოსავლის ნაწილი მცირდება 1373.9 ათასი ლარით.

მუნიციპალიტეტის მიერ უნდა განხორციელდეს 2020 წლის ბიუჯეტის კორექტირება და უნდა შემცირდეს ბიუჯეტის გადასახდელები. კერძოდ: მუნიციპალიტეტის საკრებულოს საქონელი და მომსახურების მუხლი 5000 ლარით, სოც.უზრუნველყოფის მუხლი 10000 ლარით; მუნიციპალიტეტის მერიის საქონელი და მომსახურების მუხლი 20000 ლარით, სოც.უზრუნველყოფის მუხლი 10000 ლარით. შემცირდეს: ა(ა)იპ ეკონომიკური განვითარებისა და ინოვაციების ცენტრის საქონელი და მომსახურების მუხლი 1200 ლარით, ა(ა)იპ სკოლამდელი საგანმანათლებლო საადმინისტრაციო ცენტრის საქონელი და მომსახურების მუხლი 100400 ლარით, ა(ა)იპ სპორტული ცენტრის საქონელი და მომსახურების მუხლი 15000 ლარით და სხვა ხარჯების მუხლი 20000 ლარით, ა(ა)იპ კულტურის დაწესებულებათა გაერთიანებათა არაფინანსური აქტივების მუხლი 45000 ლარით, განათლების ღონისძიებების 3000 ლარით, კულტურის ღონისძიებები 7000 ლარით. საჯარო სკოლების მოსწავლეთა ტრანსპორტის უზრუნველყოფის ტრანსპორტის ხარჯი 254973 ლარით. წინა პერიოდში წარმოქმნილი ვალდებულების დაფარვა და სასამართლო გადაწყვეტილების აღსრულების ფინანსური უზრუნველყოფის მუხლი გაიზარდოს 45000 ლარით. აღნიშნული პროექტების ბიუჯეტში ასახვის მიზნით უნდა დაიწყოს ადმინისტრაციული წარმოება.

საკრებულოს წევრების მიერ განკარგულების პროექტთან დაკავშირებით შენიშვნები და წინადადებები არ გამოთქმულა.

საკრებულოს თავმჯდომარე ბესიკ ტაბიძემ კენჭი უყარა განკარგულების პროექტს.

კენჭისყრას ესწრებოდა საკრებულოს 26 წევრი.

მომხრე საკრებულოს 26 წევრი, წინააღმდეგი არცერთი.

მიღებულ იქნა განკარგულება N30 (25.06.2020)

ამით საკრებულოს სხდომამ მუშაობა დაასრულა.

ბესიკ ტაბიძე

საკრებულოს თავმჯდომარე
ლანჩხუთის მუნიციპალიტეტის საკრებულო

ლანჩხუთის მუნიციპალიტეტის საკრებულოს რიგგარეშე სხდომაზე დეპუტატთა
დასწრების სარეგისტრაციო ფურცელი

25 ივნისი 2020 წელი
11.00 საათი

№	სახელი, გვარი	გამოცხადების დრო	ხელმოწერა
1	ბესიკ ტაბიძე	10 58	
2	ვლადიმერ ნანაძე	10 57	
3	ვერიკო კვიციანი	10 58	
4	ალექსანდრე მახათაძე	10 56	
5	გიორგი ჩახვაძე	10 55	
6	გიორგი გვარჯალაძე	10 53	
7	ემზარ თევდორაძე	11 00	
8	ბესიკ კუპრაძე	10 16	
9	გოგი მორჩილაძე	10 53	
10	სპარტაკ კვაჭაძე	10-59	
11	ლელა ჩახვაძე		
12	ზაზა წულაძე	11 00	
13	კახა ბოლქვაძე	10:57	
14	ციციწო ჩხაიძე	10:51	
15	კარლო კვიციანი	10 55	
16	ზურაბ კუკულავა	10 55	
17	იოსებ ჩხაიძე	10 50	
18	ოთარ პატიეშვილი	10 50	
19	ელისო ჭიჭინაძე	10:50	
20	ამირან ქანთარია		
21	დავით ჩხარტიშვილი	10 55	
22	აკაკი იმნაიშვილი	10 59	
23	ზაალ სანაძე	10 55	

24	რევაზ კვერენჩილაძე		
25	კახაბერ ასკურავა	<i>[Signature]</i> 10:15	10:15 <i>[Signature]</i>
26	ამირან გიგინეიშვილი	<i>[Signature]</i>	10:15 <i>[Signature]</i>
27	ირაკლი მარშანიშვილი		
28	ცისანა ურუშაძე		
29	გოდერძი ქურიძე	<i>[Signature]</i>	10:55
30	კახა თედორაძე		
31	რეზო კვაჭაძე	10:55	<i>[Signature]</i>
32	ვენე კვიციანი	10:55	<i>[Signature]</i>